

# DIARIO TA PRESENTA

# VOZNAN DI PUEBLO

## "Bo ta di acuerdo pa cambia e nomber di Aeropuerto pa "Aeropuerto Internacional Betico Croes?"



**Juan G. Peterson**  
Ambtenaar

"Si. Tanten cu Aeropuerto carga nomber di un Rubiano, no tin problema. Tempo pasa tur cos tabata Hulandes, pero e tempo ey a pasa caba. Amen!"



**Raymundo Boekhoudt**  
Hefe Cushina Sector Privu

"Cu tur respet pa Betico Croes y tur loke el a haci pa Aruba, pero mi ta kere cu Aeropuerto mester mantene su nomber cu cual e ta conoci caba, rond mundo".




**Sandra Vrolijk**  
Rep. Sector Turistico

"No. Ami como local y e turistanan cu ta frecuenta Aruba pa hopi aña a custumbra cu e nomber di Reina Beatrix caba, y no tin necesidad pa cambie".



**Pedro Ocampo**  
Hefe Accountant Sector Privu

"No pasobra di hopi aña pasa nan a dedica e Aeropuerto na Reina Beatrix, y e lo ta falta di respet pa cambie. Ademas ta e nomber conoci internacionalmente, y cambie lo por causa confusion den nos fuente di rikeza cu ta nos nos turismo".



**Roland Elien**  
Security Guard Sector Privu

"No. Pasobra mundialmente e ta worde identifica como Reina Beatrix Airport. Ademas cambia e nomber lo trece mucho gasto localmente y internacionalmente, y pa e negoshinan na aeropuerto".

## PA MOTIBO DI "VAKANTIE" A BIN PROBLEMA

ORANJESTAD (AAN): Un trahador harta y fada pa cu actitud di su hefe a denuncia frescura di alto grado na despacho di Recherche. Segun e denuncia cu aparentemente su doño trabao lo a presenta na su cas. E denunciante tin fuerte sospecho cu e doño trabao inicial M.K. nacionalidad Hulandes, a forza su porta di cas.

Esaki ta debi cu el a haya un carta den su cas pone. Denunciante a declara tambe cu cada vez cu e mester tuma su vacacion e doño di trabao ta reacciona di e forma aki. Ya cu e contenido di e carta aki tin di haber cu su vacacion.

Recherche lo atende M.K. debidamente riba su actitud inacceptable.

## NO MISHI CU RELIGION!!



**TELEFONNAN  
DI DIARIO  
826747  
FAX  
828551**